

Sacariasë pënëntërinso'

Noya noya copirnor
a'na tahuëri israiro'sa
hua'anëntarinso'

9⁹ Siniro chachin naporin:
“Sion motopia'huaquë ya'huëra-
masopita,

capa cancantomiatoco'.

Quirosarinquë ya'huëramasopi-
tanta',

capa cancantatoma cantaco'.

Ni'co'. Copirnonëma huë'sarin.

Inaso noyasáchin ninin.

Ya'ipi inimicoro'sa minsërin.

Ina niponahuë', topinan piyapi
pochin

mora hui'napishinquë ya'mitëa-
huaton, huë'sarin.

10¹⁰ Inari israiro'sa ahuëtacaiso
marë'

toronano'sa ya'huëtopiso', ata'-
huanarin.

Cahuarioro'santa ina marë'

Quirosarinquë ya'huërinso',
ata'huanarin.

Pë'chinano'santa', opana'piapon.

Ya'ipi nacionquë ya'huëpisopita
camaiton:

‘Ama huachi aquëtë quira nico-
sohuë', itarin.

A'na marë quëran, a'na marë'pa'
hua'anëntarin.

Iopiratisii' quëran,

isoro'pa' co'yontërinquë'pa'
huarë' napoarín,” ténin.

11¹¹ Quirosarinquë ya'huëramasopita.
Isonta', Siniro sha'huitarin-
quëma':

“A'naquën israiro'sa nisha nisha
nacionquë ipora huanta
ya'huëapi.

Inapitaso', poso yaninantë
pochin nininquë ya'huëapi
ni'ton,

cari nicha'ësarahüë.

Íráca shimashonëmapitaro'co
anoyatërahuë ni'ton, napoa-
rahuë.

Inapohuatoira, ma'sharo'sa
tëparahuatona huë'nainën
a'patopi,” ténin.

Israiro'sa noya acoantarínso'

12¹² Naquëranchin Siniro taantarín:

“Na'acquëma nisha nisha parti
quëpapirinënquëmahüë':

‘Siniro nicha'ësarínpoa',
ta'toma ninaramaco.

¡Iporaso tahuëri nanirin ni'ton,
Quirosarinquë chachin
panantaco'!

Inaso', noyá niacorapiramaso
ninano'.

Nisha nisha parti paatoma
na'con parisitopiramahuë',
naporama quëran na'con na'con
catahuatënquëma',
noya noya acoantaponquëma
huachi.

13¹³ Cota huënton israiro'sanquëma'.

Canpitaso', pë'chinanëhuë
pochin nicamaso marë'
acoaranquëma'.

A'napita israiro'saso nipirinhuë',
shinërënëhuë pochin acoa-
rahuë.

Quirosarinquë ya'huëpisopi-
tanta',
sahuëninëhuë pochin nicacaiso
marë' acoarahuë.
Ca nohuanton canpitaso',
cricoro'sa ahuëatoma
minsëapoma',” ténin.
¹⁴ Piyapinënpita ahuëtacaiso
marë' pa'pachinara,
inapita ya'huëapiso aipi Sinioro
ya'nopon.
Shinërënënpita quëran inanto-
huachin,
o'cori pochin nisharápon.
Tronpita pihuirahuaton, pë'natë
parti quëran
ihuan huë'ninso huáncana
huëcapon.
¹⁵ Sinioroso', ya'ipi nanitaparin.
Inimiconënapitaso', israiro'sa
ahuëcaiso marë'
na'pira të'yatopiquë quëcapona'.
Inanpiquë na'piro'sa të'yatopiri-
nahuë',
israiro'saso Siniorori pa'poyapon.
Inari catahuapon ni'ton, inimi-
conëna minsëapona'.
Minsëhuachina', pita nicapona'.
Na'con huino o'opiso pochin
noncaroapona'.

Corto hua'ano'sa ma'sha tëpa-
huachinara,
tasono'saquë huënai' mëntai-
topi.
Inapotatona artaro aipi opopi.
Inapochachin inapitanta', taso-
nënaquë huino mëntaita-
pona'.
¹⁶ Maton ma'sharo'sari ohuica
huëntonën yamapachina,
hua'anëni pa'poyarinso pochin
ina tahuëri nanihuachin,
Sinioronta piyapinënpita
nicha'ësarín.
Ina quëran ya'huëpiquë chachin
ya'huëantahuachina',
noya noya ya'huëantapona'.
Yancotë pa'ton na'pira'huaro'sa
acotohuachinara,
huënëporinso pochin noya noya
ya'noyapona'.
¹⁷ Naporo quëran huarë', piyapi-
nënpita
noya noya ya'huëapona'.
Notohuaro' cosharo', huino,
inapita ya'huëapon.
Napoatona hui'napi'sanënpoa',
nano'sanënpoa',
inapitanta', noya noya
so'sopona'.